

Te Pūtaiao Kaupae 1

Te Pūrongo Aromatawai ā-Waho 2025



Te Marautanga o Aotearoa
 Te Rā Aromatawai
 Te Momo Aromatawai
 Te Paerewa Paetae

Te Pūtaiao
 11 o Hepetema 2025
 He Tūmahi Pātahi Aromatawai
 92072

Te Wāhanga 1: He Tirohanga Whānui

He mōhioranga, he mātauranga atua kei ngā pūrākau. Kei tēnei aromatawai nā te pūrākau te ākonga i ārahi hei torotoro i ngā mātauranga atua ki tētahi kaupapa taiao ā-iwi.

Te Wāhanga 2: He kōrero mō te Paerewa

92072: Te torotoro i te mātauranga e pā ana ki ngā atua ki tētahi kaupapa taiao ā-iwi

Te Aromatawai ā-Waho:

Ko tā te aromatawai e rua ngā ara hei kōwhiringa mā te ākonga. Tuatahi, ka whakautua ngā pātai e pā ana ki tētahi kiriata i whakaritea, ka whai rānei i tētahi atu pūrākau nā te ākonga anō i kōwhiri. I whakautua ngā pātai e whai ake nei:

1. Ko wai ngā atua o te pūrākau? He aha te momo whakahirahira o te pūrākau?
2. Whakamāramahia tētahi mahi a ngā atua, me te momo whakahirahira o te pūrākau.
 - Whakarāpopotohia te pūrākau
 - I ahatia ngā atua me te momo whakahirahira
3. Whakamāramahia ngā hua pai me ngā hua kino o te pūrākau
4. He aha ētahi o ngā akoranga i hua mai i te pūrākau?

Te Tirohanga:

Mihia ngā ākonga i whai whakaaro ki ngā kura huna o te pūrākau i torotorohia, i whakamāramahia, i parahautia. He puna mōhio, he puna mātauranga hōhonu kei te pūrākau e pūpuru ai i te mātauranga e pā ana ki ngā atua. He maha hoki ngā kaupapa taiao kei ngā pūrākau mā te ākonga.

Pūrongo Paerewa Paetae:

Ko ngā Ākonga i eke ki te **Kairangi** i te paerewa paetae nei:

- i māraakerake te kite i te hononga o te mātauranga atua ki ngā āhuatanga o tētahi kaupapa taiao ā-iwi, ā, i whakatakoto taunakitanga hei whakaatu i tēnei hononga.
- i whakawhānui ake, i tūhono i ēnei mātauranga ki tōna ake taiao me ōna ake wheako, me te whakauru hoki i ōna ake mātauranga mō ngā kaupapa taiao e hono ana ki ngā pūrākau mō ngā atua
- i parahau, i ruku hōhonu, i kaha wānanga i te pūrākau me te rapu i ngā kura huna o roto hei akoranga mōna

Ko ngā Ākonga i eke ki te **Kaiaka** i te paerewa paetae nei:

- i whakaraupapa i ngā kōrero o te pūrākau me te whakahāngai hoki ki tētahi kaupapa taiao
- i whakamārama i ngā mātauranga mō tētahi, ētahi rānei atua me te hononga o ngā atua ki te kaupapa taiao.

Ko ngā Ākonga i eke ki te **Paetae** i te paerewa paetae nei:

- i tautohua tētahi atua. He paku kōrero mō te mahi ā te atua i te pūrākau.
- i whakautu i ngā pātai.

Ko ngā Ākonga **Kāore i whiwhi** i te paerewa paetae nei:

- i whakatairua noa i ngā kōrero o te kiriata.
- kāore i whakautu i te reo Māori.
- kāore i whakautu i ngā pātai.